

Na osnovu člana 48. alineja 11. i člana 50. Okvirnog zakona o visokom obrazovanju u BiH („Službeni glasnik Bosne i Hercegovine“, broj 59/07 i 59/09), člana 6. tačka j) i člana 12. Statuta Agencije za razvoj visokog obrazovanja i osiguranje kvaliteta („Službeni glasnik Bosne i Hercegovine“, broj 86/09), v.d. direktora Agencije za razvoj visokog obrazovanja i osiguranje kvaliteta uz saglasnost Upravnog odbora Agencije sa __. sjednice održane u Banjaluci, __. __. ____ . godine, donosi

UPUTSTVO O IZMJENAMA UPUTSTVA O FORMI I SADRŽAJU DIPLOME I DODATKA DIPLOME KOJU IZDAJU AKREDITIRANE VISOKOŠKOLSKE USTANOVE

Član 1.

U Uputstvu o formi i sadržaju diplome i dodatka diplome koju izdaju akreditirane visokoškolske ustanove („Službeni glasnik BiH“, broj 86/09) u članu 10. stav (1) tč. 8. mijenja se glasi:

„INFORMACIJE O VISOKOM OBRAZOVANJU U BOSNI I HERCEGOVINI“

Član 2.

Član 11. mijenja se i glasi:

„(Informacije o visokom obrazovanju u Bosni i Hercegovini)

Informacije koje se unose u članu 10. stav 1. tačka 8. - Informacije o visokom obrazovanju u Bosni i Hercegovini jedinstvene su za sve visokoškolske ustanove u Bosni i Hercegovini i kontinuirano, a najmanje jednom godišnje, utvrđuje ih Centar za informisanje i priznavanje dokumentata iz oblasti visokog obrazovanja i objavljuje na svojoj web stranici, odakle je preuzimaju visokoškolske ustanove prilikom izrade dodatka diplome.“

Član 4.

Ovo Uputstvo stupa na snagu danom donošenja i objavljuje se u „Službenom glasniku Bosne i Hercegovine“.

Broj:
Datum:

v.d. direktora

Doc. dr Husein Nanić

O B R A Z L O Ž E N J E

I - PRAVNI OSNOV ZA DONOŠENJE UPUTSTVA O IZMJENAMA UPUTSTVA O FORMI I SADRŽAJU DIPLOME I DODATKA DIPLOME KOJU IZDAJU AKREDITIRANE VISOKOŠKOLSKE USTANOVE

Pravni osnov za donošenje Uputstva sadržan je u odredbi člana 48. alineja 11. i člana 50. Okvirnog zakona o visokom obrazovanju u BiH („Službeni glasnik Bosne i Hercegovine“, broj 59/07 i 59/09), člana 6. tačka j) i člana 12. Statuta Agencije za razvoj visokog obrazovanja i osiguranje kvaliteta („Službeni glasnik Bosne i Hercegovine“, broj 86/09)

II - RAZLOZI ZA DONOŠENJE PROPISA I OBRAZLOŽENJE PREDLOŽENOG RJEŠENJA

Redovna aktivnost Agencije je analiza, unapređenje i praćenje provođenja provedbenih propisa Agencije u saradnji sa Odsjekom za pravne, kadrovske i opšte poslove. Iz analize dokumenta i primjene dokumenta u praksi proizašla je potreba za izmjenom osnovnog dokumenta. U konsultacijama sa Centrom za informiranje i priznavanje dokumenata iz oblasti visokog obrazovanja (CIP) utvrđena je potreba izmjene ovog dokumenta iz razloga što Agencija u skladu sa svojim nadležnostima ne provodi obaveze iz člana 11. Uputstva, već navedeno obavlja CIP. S tim u vezi predloženo je da CIP kontinuirano, a najmanje jednom godišnje, utvrđuje informacije o visokom obrazovanju i objavljuje ih na svojoj web stranici, odakle je preuzimaju visokoškolske ustanove prilikom izrade dodatka diplome.

III - FINANSIJSKA SREDSTVA

Za sprovođenje Uputstva o izmjenama uputstva o formi i sadržaju diplome i dodatka diplome koju izdaju akreditirane visokoškolske ustanove nisu potrebna dodatna finansijska sredstva.

IV - PREISPITIVANJE UPUTSTVA

Preispitivanju Uputstva pristupit će se u zavisnosti od njegove primjene u praksi i ukazane potrebe za izmjenama i dopunama.